



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Caietani

Cajetan, Thomas

Antverpiae, 1575

Peccata mulieris peculiaria multa sunt & diuersa.

urn:nbn:de:hbz:466:1-41716

Mona. & Monia. pecc. 425

lectationē abducatur, vt viam virtutis deserat) manifeste peccatum est, quum sit cōtra rectam rationem.

Potest autem esse mortale & veniale iuxta materiam. Nā si quis ita est mollis animo, vt cedat omitendo necessaria ad salutem, aut incurrendo contraria saluti peccat mortaliter. Si autem nihil committit aut omittit contra salutem, sed prater illam, peccat venialiter.

Pro quanto vero mollities est vitium infirmum contra naturam (scilicet solius pollutionis voluntaria) peccatum est mortale: vt patet. Et similiter pro quanto est crimen contra naturam quo mas patitur vt mulier (vt glossa interlinearis exponit. i. ad Corint. vi. vbi molles excluduntur à regno Dei) peccatum est nefandum.

Monachi & moniales possunt multipliciter offendere & peccare.

Monachorum & monialium peccata propria, ipsi Mex suis, regula, statutis ac consuetudinibus scientes discutant. Circa dotem tamen earum quæ recipiuntur in moniales, vide in verbo, excommunicatio. cap. lxxiii. Circa clausulam illis indictam à iure, si nūquam fuit accepta, & Episcopi sic semper gubernarunt dando eis licentiam exeundi excusantur: quoniam iura non recepta tanto tempore, infirma sunt. Nec sufficit esse scripta & inserta in corpore iuris, & esse rationabilia.

Peccata mulieris peculiariora multa sunt & diuersa.

Mulieris peculiariora peccata quatenus ad sexum spectant, non egent speciali tractum: quia proportionaliter sunt communia eis & maribus non solum naturalis carnis peccata, sed etiam quæ contra

Dalib.

426 Mulierum peccata.

naturam sunt vsque ad mollitiem inclusiue . Peccata autem concernentia ornatum, in verbo ornatus, tractabuntur.

Quæ autem ex positiuo & diuino iure sunt eis peccata, quia prohibita, multa dicuntur: puta quod non tondeantur, quod non vtantur veste virili, quod non prædicent aut doceant publicè, quod non tangant sacra vasa & pallas, & non deferant incensum circa altare, quod non benedicant, quod nullum ordinis actum exercent.

Sed aduerte, quod horum quædam sunt omnino mulieri illicita: vt actus ordinum, quia mulier est ex natura irregularis, & similiter publicè prædicare aut docere ea quæ sunt fidei: quoniam hæc ab Apostolis interdicta rationabiliter sunt. Cum quo tamen stat quod possunt suas subditas prælatæ in suis capitulis instruere, exhortari, &c. vt consueuerunt: quoniam hoc non est docere Ecclesiam, sed ad quasdam particulares personas restringitur huiusmodi doctrinæ: quæ magis materna instructio & exhortatio vocanda est, sicut mater naturalis instruere potest & debet filias suas. Quædam autem horum intelligenda sunt non vt sonant: nam tonderi, nullum est peccatum, nisi pro superstitione aut aliqua alia mala ratione fieret: nec aliter intelligitur à iure prohibitum: vt patet diligenter intuèti dist. xxx. & cap. vxoratus. de cõuer. coniug. ibi enim & de superstitionibus hæreticorum agitur: & expressè dicitur quasi resoluens ius subiectionis: vbi notat actum fieri pro superba religionis libertate. Hic autem tonsurare importat mulierem quasi virum tondere irreligiosum: vt pluries legitur olim factum: hoc est enim quod lex prohibet: prout etiam in statutis religiosorum prohibitum sub eisdem verbis inuenitur.

Veste autem virili vt mulierem, cõtra bonos mo-

res

res est, & scandalosum: & ideo intolerabile est, nisi solatii causa quandoque fiat, vel necessitas exposcat. Sacra autem scriptura & ius canonicum hoc prohibent ut non superstitiose fiat.

De sacris autem aliis actibus crediderim ego posse consuetudinem antiquam tolerari: nam alicubi moniales in vesperis cum cappa serica altare thurificane intra clausam Ecclesiam suam in qua solæ moniales sunt: Et hoc si ab hoc usu abduci non possunt quum à tempore Sotheris papæ mandatum sit Episcopis Italiæ, ut hanc pestem curent, dist. xxiii. cap. sacratas. & adhuc duret, malè quidè: sed nō perniciosè, si cōtempus desit. Prælatæ tamen quæ benedicunt in professione vestes profitentium, in nullo errant. Et quæ lauant corporales, pallas postquā certæ sunt quod nulla est particula sacramenti in eis, & sunt aliquantulum ablutæ, metentur vitam æternam: nam causa videtur rationalis: quia ratione maioris mundiciæ hoc fit.

*Detractionis vitium in quo differat
à murmuratione.*

Murmuratio ut ad vitiosos actus transfertur, peccatum est coincidens cum detractione, quantum minus significetur murmurationis nomine: quia magis soni quam vocis peccatum significat. Vnde sonum querelæ impatientiæ murmur vocare solemus: quasi multum pressus aut pulsus homo sonet. Et tamen secundū rem detrahitur illi contra quem murmuratur, tanquā iniuste aut irrationabiliter & esse habuerit vel habeat.

Membri mutilatio potest esse licita & illicita respectu diuersorum casuum.

Mutilatio siue sui, siue alterius (nisi ex necessitate sanitatis abscissionem membri exposcentis fiat)

Dd

peccat